



## Մ Ա Յ Ր Ա Թ Ո Ռ Ո Ւ Մ

Սեպտեմբերի 13-ին, Մայր Տաճարում մատուցվեց հանդիսավոր սուրբ պատարագ՝ մեռելոց հիշատակին: Օրվա պատարագիչն էր բարձրապատիվ Տ. Գեորգ ծայրագույն վարդապետը: Սուրբ պատարագի ավարտից հետո տեղի ունեցան հոգեհանգստյան արարողություններ «վասն համօրէն ննջեցելոց»:

\*\*\*

Սեպտեմբերի 20-ին, Ս. էջմիածնի Գերագույն Հոգևոր Խորհրդի որոշումով, Մայր Աթոռի Հոգևոր Ճեմարանի տեսուչ նշանակվեց Գերագույն Հոգևոր Խորհրդի անդամ տիար Մարտիրոս Տեր-Ստեփանյանը:

\*\*\*

Սեպտեմբերի 21-ին գերաշնորհ Վահան արքեպիսկոպոս Կոստանյանը, նորրձա Տ. Նդիշե արևելայի ընկերակցութեամբ, մեկնեց Կիսլավոդսկի բուժավայրը:

\*\*\*

Գերագույն Հոգևոր Խորհուրդը, նկատի ունենալով պարոն Յ. Բոռնյանի ծերութիւնը և նրա բարեխիղճ աշխատանքը Մայր Աթոռում, նշանակեց նրան կենսաթոշակ՝ սեպտեմբերի 1-ից ազատելով նրան Հոգևոր Ճեմարանի դասախոսական պարտականութիւններից:

\*\*\*

Սեպտեմբերի 16-ին Մայր Աթոռ Ս. էջմիածին ժամանեց բուլղարական դերասանների պատգամավորութիւնը, որի կազմի մեջ էին Բուլղարական Ժողովրդական Ռեսպուբլիկայի վաստակավոր դերասան, Սոփիայի օպերայի մենակատար Իլյա Իոսիֆովը (տանոր), Բուլղարական Ժողովրդական Ռեսպուբլիկայի վաստակավոր դերասան, Սոփիայի կոմսերվատորիայի պրոֆեսոր Նեդյակա

Սիմիոնովան (չուֆակահար), Սոփիայի օպերայի մենակատար Նատյա Աֆեյան (մեցցոսոպրանո), Սոփիայի ռադիոյի մենակատար Իովչո-Կարա-Իվանովը (տանոր), Սոփիայի ռադիոյի մենակատար Յվատկո Բլագոյեր և Սոփիայի օպերայի կոնցերտմեյստեր էլենա Մինդիզական: Հյուրերը եղան Տաճարում և Տաճարին կից եկեղեցական-հնագիտական թանգարանում: Հյուրերին մանրամասն բացատրութիւններ և տեղեկութիւններ էր տալիս Մայր Տաճարի ավագ լուսարար զերաշնորհ Տ. Սահակ եպիսկոպոսը: Վերջում հյուրերը սրտագին իրենց շնորհակալութիւնները հայտնեցին Մայր Աթոռի միաբանութեանը՝ իրենց ցույց տրված ջերմ և լավագույն ընդունելութեան համար:

\*\*\*

Սեպտեմբերի 25-ին, հանդուցյալ Հայրապետի անվանակոչութեան օրը, մատուցվեց հանդիսավոր սուրբ պատարագ: Պատարագիչն էր բարձրշնորհ Տ. Կոստանդին վարդապետը: «Հայր մեր»ից առաջ բարձրապատիվ Գեորգ ծայրագույն վարդապետը քարոզ խոսեց: Հայր սուրբը զգացված բառերով մի անգամ ևս ոգեկոչեց հանգուցյալ մեծագործ և հայրենասեր Հայրապետի կյանքն ու գործունեութիւնը: Հավարտ սուրբ պատարագի կատարվեց հոգեհանգիստ Վեհափառի շիրմի վրա:

\*\*\*

Սեպտեմբերի 26-ին, Վարագա Ս. Խաչի տոնի օրը, հավատացյալների հոծ բազմութեան ներկայութեամբ Մայր Տաճարում սուրբ պատարագ մատուցեց բարձրապատիվ Տ. Գեորգ ծայրագույն վարդապետը, որը և քարոզ խոսեց Վարագա Ս. Խաչի նշանակութեան մասին:



Հոկտեմբերի 10-ին, «Արրոց Թարգմանչաց վարդապետացն մերոց Մեսրոպաց, Եղիշէի, Մովսիսի Քերթովին, Դավթի անյաղթ փիլիսոփային, Գրիգորի Նարեկացուն և Ներսիսի Կլայեցուն» և ի հիշատակ հայկական նշանազրերի գյուտի ու սուրբ գրոց թարգմանութեան, եկեղեցական-ազգային տոնի առթիվ, Հոգևոր Ճեմարանում կազմակերպվեց զրական երեկու: Նույն օրը լրանում էր քրաժըշտագետ Կոմիտաս վարդապետի ծննդյան 85-ամյակը և բանաստեղծ Հովհաննես Հովհաննիսյանի մահվան 25-ամյակը: Վերատեսուչ պարոն Մարտիրոս Տեր-Ստեփանյանը իր բացման խոսքում նշեցով թարգմանիչ վարդապետների կատարած դերը, խոսեց նաև քրաժըշտագետ Կոմիտաս վարդապետի և բանաստեղծ Հովհաննես Հովհաննիսյանի մասին: Ուսանողները երգեցին «Որք զարդարեցին» շարականը, որից հետո զեկուցեց շնորհունակ Գուրգեն սարկավազը: Ուսանողները հանդես եկան արտասանություններով և քրեկերով: Վերջում զերաշնորհ Սահակ սրբազանը «Պահպանիչ»ով փակեց երեկոն:



Հոկտեմբերի 13-ին Մայր Աթոռ Ս. Էջմիածին ժամանեց Եվդոկիյի ուսուցիչների

պատգամավորությունը՝ բաղկացած 10 հոգուց: Վանքում հյուրերին ջերմ ընդունելություն ցույց տրվեց: Հյուրերը ևղան Տաճարում և Տաճարին կից հնագիտական թանգարանում: Երեկոյան, հարուստ տպավորություններով, հյուրերը մեկնեցին Երևան:



Հոկտեմբերի 18-ին Մայր Աթոռ Ս. Էջմիածին ժամանեց Չեխոսլովակա-Սովետական բարեկամության միության պատգամավորությունը: Պատգամավորությանը ղեկավարում էր Բոնոյի համալսարանի ռեկտոր ակադեմիկոս Ֆրանտիշեկ Տրավնիչեկը: Պատգամավորության կազմի մեջ մտնում են հասարակական գործիչներ, դիտություն, արվեստի ու գրականության աշխատողներ: Հյուրերը եղան Տաճարում և Տաճարին կից եկեղեցական-հնագիտական թանգարանում, ուր Տիգրան սարկավազը մանրակրկիտ բացատրություն տվեց եկեղեցական թանկագին և արժեքավոր սպասների, իրերի ու զբեստների մասին: Վերջում պատգամավորության անունից Ֆրանտիշեկ Տրավնիչեկը շնորհակալություն հայտնեց սարկավազին: Հյուրերը մեկնեցին Էջմիածնից հարուստ տպավորություններով:

